

KOMUNIKADO PA PRENSA

Entrante yanüari 2019: PCN ta indeksá penshun ku 2%

Kralendijk- E fondo di penshun di Karibe Hulandes (PCN) lo indeksá e penshunan entrante dia promé di yanüari 2019 ku 2%. Esaki a wordu disidí den un reunion di direktiva siman pasá. E desishon ya a wòrdu ratifiká dor di a hunta di Supervision di PCN i tambe e órgano di konsulta i konseho di e fondo (AVO).

E desishon pa indeksá e penshunan a bira posibel dor ku e fonde a rekuperá hopi, kompará ku un añá atrás. Tin 5 faktor ku a kontribuí na e rekuperashon di e fondo: e redukshon den benefisio ku PCN a implementá den 2017, un bon rendimentu riba kapital den 2017 i 2018, un kontribushon adishonal dor di Hulanda di 31 mion di dolar, e echo ku e primanan a wòrdu subí te na e máximo i tambe e echo ku e interes ku ta usa pa kalkulá obligashonnan di e fondo a subi konsiderablemente den e último lunanan.

Aunke ku e fondo, ku un grado di kobertura di 114% ya ta hopi sólido kaba, ainda falta pa agregá un reserva mas grandi. Segun e rekesitonan di Financieel Toezichtskader BES ku ta apliká pa PCN, e fondo mester tin un grado di kubertura di 117% òf mas pa por duna un indeksashon igual na subida di e kostonan di bida.

Direktiva di e fondo ta tuma e desishon si ta indeksá penshun i tambe kuantu indeksashon ta duna, basá riba e situashon finansiero di e fondo, tumando na kuenta e maneho ku a stipulá pa ku esaki. Ya ku entrante promé di yanüari AOV tambe lo subi, direktiva di PCN ta konta ku penshonadonan lo tin por lo ménos e mesun kantidat di sèn na penshun ku tabata e kaso promé ku e redukshon den penshun ku a fondo a implementá na aprel 2017.

Ta remarká ku den kaso di PCN e benefisionan di esnan liá na e fondo ku ta traha ainda, tambe lo subi ku 2%, igual na esnan ku ya ta kobrando penshun.



Riba e potret:

Miembronan di direktiva i e junta di supervishon, huntu ku konseheronan Margo Lelieveld i Nathalie Houwaart i secretario di PCN, Frederique van den Steen.